



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 69. stav (2) tačka e) Zakona o javnim nabavkama („Službeni glasnik BiH“ broj: 39/14) i člana 38. Pravilnika o javnim nabavkama JU „Naše dijete“ Tuzla, na prijedlog Komisije za javne nabavke, direktor Ustanove donosi

O D L U K U

o poništenju postupka nabavke

I

U skladu sa odredbom člana 69. stav (2) tačka e) Zakona o javnim nabavkama BiH, poništava se postupak javne nabavke u predmetu – *nabavka radova na sanaciji kupatila na objektu „Poletarac“ za potrebe Ustanove* provedenog putem konkurentskog zahtjeva za dostavu ponuda broj 1194-7-3-34/21 od 01.04.2021. godine sa Portala javnih nabavki BiH iz razloga što je cijena svih prihvatljivih ponuda znatno veća od osiguranih sredstava za predmetnu nabavku.

II


Odluka stupa na snagu po konačnosti, a dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama i biće objavljena na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH („Sl. glasnik BiH“, broj: 39/14).

Obrazloženje:

Na osnovu Zahtjeva za pokretanje postupka javne nabavke br. 01-11-1016-2/2021, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-11-1016-2/2021 od 01.04.2021. godine. Postupak je objavljen na Portalu javnih nabavki BiH broj 1194-7-3-34/21 od 01.04.2021. godine, a poziv za preuzimanje tenderske dokumentacije sa Portala je upućen privrednim subjektima: „Dinamico“ d.o.o. Kalesija, „AQUA MONT“ OD Tuzla, OR „Vejzović“ Tuzla i DOO „Vodo ins“ Tuzla.

U skladu sa članom 5. stav (2) i članom 8. Pravilnika o uspostavljanju i radu Komisije za nabavke („Službeni glasnik BiH“, broj 103/14), Komisija imenovana Rješenjem br. 01-11-1183-1/2021, je izvršila ocjenu i odabir najpovoljnije ponude te sačinila Zapisnik o pregledu i ocjeni ponuda sa detaljnim obrazloženjem odabira. Na zatvorenom sastanku, Komisija je izvršila otvaranje, pregled i ocjenu primljenih ponuda i utvrdila sljedeće:

- Blagovremeno je ponudu predalo 5 ponuđača: „Dinamico“ d.o.o. Kalesija, „Džena“ d.o.o. Gradačac, „Elektrocentar Petek“ d.o.o. Tuzla, „Inter-com“ d.o.o. Zenica i „Flex invest“ d.o.o. Sarajevo.
- Nije bilo neblagovremenih ponuda;
- Ponuda ponuđača „Inter-com“ d.o.o. Zenica je ocijenjena neprihvatljivom jer navedeni ponuđač u svojoj ponudi nije dostavio Izjavu o ispunjenosti uslova iz člana 52. ZJN BiH - aneks 6. tenderske dokumentacije. U tački 3.5. tenderske dokumentacije - Diskvalifikacija po osnovu sukoba interesa ili korupcije je jasno navedeno da je ponuđač izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci dužan pripremiti i dostaviti prema obrascu iz aneksa ove tenderske dokumentacije, u formi i na način koji je propisala Agencija za javne nabavke BiH, ovjerenu od strane nadležnog organa. S obzirom da je ponuđač „Inter-com“ d.o.o. Zenica propustio da dostavi traženi dokaz u smislu ispunjavanja uslova iz člana 52. Zakona o javnim nabavkama BiH, ponuda ovog ponuđača je ocijenjena neprihvatljivom i ista je odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14);
- Ponuda ponuđača „Elektrocentar Petek“ d.o.o. Tuzla je ocijenjena neprihvatljivom jer navedeni ponuđač u svojoj ponudi nije dostavio odgovarajuće potvrde o uredno izvršenim ugovorima u smislu dokazivanja ispunjavanja uslova iz člana 48. i člana 51. Zakona o javnim nabavkama BiH („Službeni glasnik BiH“ br. 39/14). U tački 3.3.2. tenderske dokumentacije je navedeno da je ponuđač, u cilju za dokazivanja uslova iz



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

tačke 3.3.1. pod a) tenderske dokumentacije, dužan dostaviti spisak izvršenih ugovora koji su u vezi s predmetnom nabavkom za period ne duži od 5 (pet) godina a čija ukupna vrijednost odgovara minimalno procijenjenoj vrijednosti nabavke. Uz spisak priložiti i potvrde (minimalno 2 potvrde) o uredno izvršenim ugovorima koje ponuđaču izdaje druga ugovorna strana o njihovoj realizaciji. Ponuđač je u ponudi na str. 31.- 42. dostavio spisak izvršenih ugovora, a na stranama 43., 45. i 47. dostavio potvrde o uredno izvršenim ugovorima. Zaključeno je da potvrde o uspješno izvršenim ugovorima sa strane 45. i 47. ponude ponuđača Elektrocentar Petek“ d.o.o. Tuzla ne mogu biti dokaz u cilju ispunjavanja uslova iz tačke 3.3.2. pod a) tenderske dokumentacije zbog sljedećeg:

potvrda o uredno ispunjenom ugovoru sa str. 45 ponude, izdata od strane privrednog subjekta „Metal centar“ d.o.o. Sarajevo, podružnica Tuzla, ima za predmet „Izvođenje elektroinstalaterskih radova na novom skladišnom objektu firme Metal-centar u Tuzli“, uz objašnjenje da se predmet ugovora odnosi na nabavku, isporuku i ugradnju elektro kablova i polaganje za električne instalacije; isporuku i montažu elektro razvodnih ormara; isporuku i montažu prekidača i utičnica; isporuku i montažu vanjske i unutrašnje LED rasvjete; isporuka i izrada gromobranske instalacije i mjerenje parametara električne i gromobranske instalacije i izdavanje atesta.

Potvrda o uredno ispunjenom ugovoru – broj: 02-69/21 sa str. 47 ponude, izdata od strane JU OŠ „Prokosovići“ u Prokosovićima, ima za predmet „Rekonstrukciju krova na objektu područne škole Babice“, uz objašnjenje da se predmet ugovora odnosi na tesarske i krovopokrivačke radove na objektu područne škole Babice.


S obzirom da je predmet nabavke sanacija kupatila na objektu „Poletarac“, odnosno, građevinski radovi na kupatilima, i kao takav označen prema jedinstvenom rječniku javnih nabavki, a imajući u vidu samu specifikaciju potrebnih radova, gdje je vidljivo da u strukturi radova prevladavaju radovi na izvođenju hidroinstalacija, Komisija za javne nabavke smatra da se dostavljene potvrde nikako ne mogu dovesti u vezu s predmetnom nabavkom i kao takve ne mogu biti dokaz u cilju ispunjavanja uslova iz tačke 3.3.2. pod a) tenderske dokumentacije.

Potvrda o uredno ispunjenom ugovoru sa str. 43, izdata od strane crpne stanice „Buško blato“ d.o.o., ima za predmet rekonstrukciju komandnog prostora i pomoćnih prostorija u CSBB uz objašnjenje da se potvrda odnosi na izvođenje građevinskih, elektro, hidrotehničkih i strojarskih radova na pomenutom objektu. Komisija za javne nabavke smatra da je ova potvrda odgovarajuća i može se dovesti u vezu s predmetnom nabavkom iz razloga što su predmet radova, između ostalih, bili i hidrotehnički radovi, koji su najvećim dijelom predmet radova ovog postupka javne nabavke. S obzirom da je za dokazivanje uslova iz tačke 3.3.1. pod a) tenderske dokumentacije, ponuđač dužan, uz spisak izvršenih ugovora, dostaviti i minimalno 2 potvrde o uredno izvršenim ugovorima koje ponuđaču izdaje druga ugovorna strana, jasno je da je ponuđač Elektrocentar Petek“ d.o.o. Tuzla propustio ispuniti traženi uslov. Zbog svega navedenog, ponuda ovog ponuđača je ocijenjena neprihvatljivom i ista je odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14).

- Ponude ostalih ponuđača ispunjavaju sve uslove tražene tenderskom dokumentacijom i ocijenjene su prihvatljivim.

- U cilju dokazivanja ispunjavanja uslova za primjenu preferencijalnog tretmana domaćeg, ponuđač „Dinamico“ d.o.o. Kalesija nije dostavio listu osiguranih lica izdatu od Poreske uprave, što je traženo tenderskom dokumentacijom, nego je dostavio samo uvjerenje navedene institucije za koji je Komisija ustanovila da se ne može prihvatiti kao dokaz za ispunjavanje traženog uslova, tako da se na ponudu navedenog ponuđača ne može primijeniti preferencijalni tretman domaćeg. Ostali ponuđači su dostavili odgovarajuće dokaze za priznavanje ovog tretmana.

- U tenderskoj dokumentaciji je predviđeno provođenje e-aukcije, u skladu sa Pravilnikom, a planirana e-aukcija za ponuđače koji su ispunili sve tražene uslove zakazana je za dan 19.04.2021. godine. S obzirom da ponuđač „Dinamico“ d.o.o. Kalesija nije dostavio dokaze o ispunjavanju preferencijalnog tretmana domaćeg, za ovog ponuđača je u sistem unesena ponuda bez priznavanja navedenog tretmana, dok su ponude ostala dva ponuđača unesene sa preferencijalnim tretmanom domaćeg. E-aukcija je započela u 11:00 i trajala do 11:14 sati. Aktivno učesće u e-aukciji su uzela dva privredna subjekta, „Flex invest“ d.o.o. Sarajevo i „Dinamico“ d.o.o. Kalesija. U tom smislu prilažemo tabelarni prikaz prihvatljivih ponuda:



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba
UKUPNA OCJENA PONUDA

REDNI BROJ	NAZIV PONUĐAČA	UKUPAN IZNOS PONUDE BEZ PDV-a PRIJE E-AUKCIJE	IZNOS PONUDE BEZ PDV-a POSLIJE E-AUKCIJE	KONAČNA RANG LISTA PONUDA
1.	„Flex invest“ d.o.o. Sarajevo	37.520,02 KM*	31.832,30 KM*	1
2.	„Dinamico“ d.o.o. Kalesija	22.395,00 KM	22.305,00 KM	2
3.	„Džena“ d.o.o. Gradačac	35.810,00 KM*	35.810,00 KM*	3

* Označava cijenu na koju se primjenjuje preferencijalni tretman

U skladu sa naprijed navedenim, primjenjujući kriterij najniže cijene zadovoljavajuće ponude, u skladu sa članom 64. stav (1) tačka b) Zakona o javnim nabavkama BiH, utvrđeno je da je ponuđač „Flex invest“ d.o.o. Sarajevo dostavio ponudu koja je najbolje rangirana uvažavajući Odluku o obaveznoj primjeni preferencijalnog tretmana domaćeg.

S obzirom da je cijena prvorangirane ponude za 9.332,30 KM bez PDV-a viša od procijenjene vrijednosti planirane za ovu nabavku, Komisija za javne nabavke je dostavila direktoru prijedlog da postupak javne nabavke poništi u skladu sa članom 69. stav (2) tačka e) Zakona o javnim nabavkama BiH (vrijednost prihvatljivih ponuda znatno veća od osiguranih sredstava). Direktor Ustanove je prihvatio navedenu preporuku, te je odlučeno kao u dispozitivu.

U postupku donošenja ove Odluke, posebno su cijunjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je ista donesena u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom.

Pouka o pravnom lijeku

Protiv ove Odluke može se uložiti žalba Uredu za razmatranje žalbi putem ugovornog organa, u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3. Ponuđač je dužan dostaviti žalbu u dovoljnom broju primjerka.



DIREKTOR

/ Karić Sanja, dipl. iur /

DOSTAVLJENO:

1. Ponuđaču x 5
2. Spis
3. A/a

Broj: 01-11-1016-9/2021
Tuzla, 23.04.2021. god.

Handwritten signature in blue ink.